

Broj:02-02/3-623/21 BG  
Datum: 24.02.2021.godine

Na osnovu člana 56. Zakona o organizaciji tijela uprave u Federaciji Bosne i Hercegovine ("Službene novine Federacije BiH", broj 35/05), člana 14.stav 1. tačka 2. Zakona o Crvenom križu/krstu Federacije Bosne i Hercegovine ("Službene novine Federacije BiH", broj 28/06) i člana 23. stav 3. Pravilnika o unutrašnjoj organizaciji Federalnog ministarstva rada i socijalne politike, broj 02-02/3-3342/19 od 19.12.2019. godine i broj: 02-02/3-2330/20 od 30.12.2020.godine, a u vezi sa Tekućim transferom neprofitnim organizacijama – Za Crveni krst/križ Federacije BiH, ekonomski kod 6143 Budžeta Federacije Bosne i Hercegovine za 2021. godinu ("Službene novine Federacije BiH", broj 4/21), federalni ministar rada i socijalne politike donosi

**ODLUKU  
O DODJELI SREDSTAVA CRVENOM KRIŽU/KRSTU  
FEDERACIJE BOSNE I HERCEGOVINE**

**I.**

Odobrava se dodjela sredstava Crvenom križu/krstu Federacije Bosne i Hercegovine (u daljnjem tekstu: Korisnik sredstava) u iznosu od 460.000,00 KM sa pozicije Tekućeg transfera neprofitnim organizacijama - Za Crveni krst/križ Federacije BiH, ekonomski kod 6143 Proračuna Federacije Bosne i Hercegovine za 2021. godinu ("Službene novine Federacije BiH", broj 4/21).

**II.**

Sredstva iz tačke I. ove Odluke isplatit će se na transakcijski račun Korisnika sredstava u skladu sa raspoloživim operativnim sredstvima.

**III.**

Sredstva iz tačke I. ove Odluke utrošit će se za finansiranje djelatnosti Korisnika sredstava sa ciljem provedbe javnih ovlasti utvrđenih članom 9. Zakona o Crvenom križu/krstu Federacije Bosne i Hercegovine ("Službene novine Federacije BiH", broj 28/06).

**IV.**

U skladu sa ovom Odlukom, zaključit će se Ugovor o suradnji, korištenju i načinu utroška odobrenih finansijskih sredstava kojim će se detaljnije urediti pitanje njihovog namjenskog korištenja.

**V.**

Korisnik sredstava je obavezan Federalnom ministarstvu rada i socijalne politike dostavljati redovne kvartalne izvještaje o utrošku sredstava i to najkasnije 15 dana nakon završetka kvartala.

**VI.**

Korisnik sredstava je obavezan dodijeljena sredstva koristiti namjenski i dostaviti izvještaj sa kompletnom dokumentacijom kojom se dokazuje namjenski utrošak sredstava najkasnije do 15. januara naredne godine.

**VII.**

Federalno ministarstvo rada i socijalne politike će kvartalno, u skladu sa Zakonom, podnositi izvještaj o utrošenim sredstvima Federalnom ministarstvu finansija, a Federalno ministarstvo finansija će izvještavati Vladu Federacije Bosne i Hercegovine.

**VIII.**

Za realiziranje ove Odluke zadužuju se Sektor za pravne i kadrovske, ekonomsko-finansijske i opće poslove i Sektor za socijalnu zaštitu i zaštitu porodice i djece ovog Ministarstva, svaki u okviru svoje nadležnosti.

**IX.**

Ova Odluka stupa na snagu danom donošenja.



**Dostaviti:**

- Crveni križ/krst Federacije Bosne i Hercegovine, Nedima Filipovića 9, Sarajevo
- Sektor za pravne i kadrovske, ekonomsko-finansijske i opće poslove
- Sektor za socijalnu zaštitu i zaštitu porodice i djece